



MEĐUNARODNI SAJAM PODUZETNIŠTVA I OBRTA
„GRAPOS-EXPO“ GRAČANICA
16.-19. Maj 2023. godine



VLADA TUZLANSKOG
KANTONA

Organizatori:



BOMS-EXPO

GRAD GRAČANICA
FEDERACIJA BOSNE I HERCEGOVINE
BOSNA I HERCEGOVINA



CITY OF GRAČANICA
FEDERATION OF BOSNIA AND HERZEGOVINA
BOSNIA AND HERZEGOVINA

PREDMET : POZIVNO PISMO
Gračanica 19.12.2022.godine

Poštovani,

2022. godina koja je na izmaku, svima nam je donijela izazove koje nismo očekivali i na globalnom nivou promijenila političko-ekonomsku situaciju, kako u svijetu, tako i u Bosni i Hercegovini i užem regionu. Pred nama je 2023. godina, godina u kojoj ćemo svi morati pokazati najbolje od naših mogućnosti i znanja, kako bismo zajedno ublažili posljedice trenutne situacije i niza negativnih okolnosti u posljednje dvije godine. I pored svega navedenog, u 2022. godini uspješno smo realizovali projekat Međunarodni sajam poduzetništva i obrta „GRAPOS-EXPO“ i započeli sa pripremama 12. izdanja, koji je planiran od 16.-19. maja 2023. godine.

U jedanaestom izdanju „GRAPOS EXPO“ je postigao utisak sajma poduzetništva širokog spektra. Na sajmu je izlagalo 380 izlagača iz 5 zemalja, te je zabilježeno 38.000 posjetilaca. U sve dane trajanja sajma pored bogatog kulturno-umjetničkog programa, koji se odvijao kako na sajmištu tako i u samom gradu, organizirane su konferencije, predavanja i paneli o aktuelnim temama sa 24 učesnika/ice iz oblasti poduzetništva i javnog života, a koncentrirane na promociju važnih privrednih grana za lokalni i regionalni razvoj.

„GRAPOS-EXPO“ 2022 je kao i svake godine plijenio medijsku pažnju i u periodu sajma u fokus BiH javnosti stavio poduzetništvo, poslovne uspjehe i poruke optimizma, razvoja i nade. Preko 50 medijskih kuća je izvještavalo o sajmu, te prenosilo sjajnu atmosferu koja je bila prisutna. Grapos Expo je još jednom potvrdio poziciju lidera u sajamskoj industriji u Bosni i Hercegovini, kao izlagački, razvojni, promotivni i „networking“ event.

Poštovani, pišemo Vam sa željom da već tradicionalnu manifestaciju, sa širokom mrežom podrške institucija, udruženja i privrednika/poduzetnika, u 2023. godini organizujemo kao najveći sajam do sada i pomjerimo ljestvicu organizacije na novi nivo.

Vrijeme nakon pandemije COVID 19, u cijelom svijetu, je uzrokovalo da biznisi promijene svoj habitus kao i cjelokupan sistem. To nam je kao nikada prije nametnulo digitalizaciju i nove tehnologije, te je poduzetnička intuicija i snalažljivost došla do izražaja u online svijetu. Međutim, tradicionalni način poslovanja i umrežavanja ličnim kontaktom kroz poslovne događaje, još uvijek su neprevaziđeno okruženje za razvoj novih partnerstava, poslovnih saradnji i prihvatanja novih znanja i vještina. Svjesni ovih izazova, u 2023. godini, gradimo snažnije veze sa našim partnerima i pozivamo Vas da planirate svoje poslovne aktivnosti i uzmete aktivno učešće u 12-om Međunarodnom sajmu poduzetništva i obrta „GRAPOS-EXPO“ 2023.

Bilo da želite **predstaviti** svoje proizvode i usluge, **kreirati poslovni event** i sastanke sa partnerima i potencijalnim partnerima, biti partner ili sponzor manifestacije, njenog zabavnog ili konferencijskog dijela, ekipa „BOMS-EXPO“-a Vam stoji na raspolaganju za sve **prijedloge i sugestije**, mogućnosti **saradnje** i kreiranja **novih vrijednosti** u okviru sajma.



MEĐUNARODNI SAJAM PODUZETNIŠTVA I OBRTA
„GRAPOS-EXPO“ GRAČANICA
16.-19. Maj 2023. godine



VLADA TUZLANSKOG
KANTONA

U prilogu Vam dostavljamo promotivne materijale sajma kao i uslove za izlagače i partnere. Obzirom da svaka kompanija ima svoje specifičnosti i potrebe, spremni smo da uslove i specifičnosti ponude prilagodimo prema Vašim potrebama i ciljevima.


Budite dio priče koja se piše u Gračanici jer,

BUDUĆNOST SE NE OČEKUJE, ONA SE GRADI !

S poštovanjem,



direktor


Nedžad Nuhanović